



ԱՐՍԵՆ ԵՊԻՍԿՈՊՈՍ ԲԵՐԲԵՐՅԱՆ

4. ՊՈԼՍԻ ՊՐՈԿՂ ՊԱՏՐԻԱՐԷԻ ՆԱՄԱԿԸ ՀԱՅՈՑ ՍԱՀԱԿ ՊԱՐԹԵՎ ԿԱԹՈՂԻԿՈՍԻՆ (5-րդ դար)

Հայ եկեղեցու պատմության համար կարևոր արժեք է ներկայացնում 5-րդ դարի Լուստանդնուպոլսի Պրոկղ պատրիարքի (434—456 թթ.) նամակը հայոց Սահակ Պարթև հայրապետին գրված: 431 թ. Եփեսոսի Գ. Տիեզերական ժողովից հետո նեստորականությունը լուրջ վտանգ էր դարձել ոչ միայն Բյուզանդական կայսրության, այլ նաև Արևելքի քրիստոնեական եկեղեցիների համար: Այդ տագնապի դեմ միասնական ուժերով հանդես գալու նպատակով Պրոկղ պատրիարքը նամակ է գրում հայերին: Ինչո՞ւ էր նա դիմում հայ եկեղեցու պետին: Պատճառը մեզ հասկանալի կլինի, եթե ամփոփ ձևով, մինչև նամակի բովանդակության անցնելը, տեսնենք, թե ի՞նչպիսին է եղել հայ եկեղեցին և ի՞նչ հարաբերություններ է ունեցել հարևան և ընդհանրապես քրիստոնեական եկեղեցու խոշոր կենտրոնների հետ:

Քրիստոնեությունը Դ դարի սկզբին որպես պետական կրոն Հայաստանի տարածքի վրա կազմավորվելուց հետո, հայ եկեղեցին շարունակեց հարևան հեթանոս ժողովուրդներին ևս հաղորդակից դարձնել այդ վարդապետությանը: Քարոզչական աշխատանքները ինչպես երկրի ներսում, այնպես էլ երկրից դուրս դժվարին է եղել, և հայ եկեղեցական գործիչները իրենց անձնվեր գործունեությամբ հաղթահարել են այդ դժվարությունները և Քրիստոսի խոս-

քը հասցրել են ժողովրդի լայն զանգվածներին:

Նոր կրոնի հավատակորդները դուրսույթյամբ չեն զիջել իրենց դիրքերը և ամեն մի քայլի արգելքներ են հարուցել այդ ճանապարհին: Բայց հայ եկեղեցին, խորապես կառչած Քրիստոսի ճշմարիտ վարդապետությանը, միշտ էլ ներքին ուժ է գտել իր մեջ և ընդդիմացել նրանց, դեռ առաջին դարերից սկսյալ սակարկության մեջ չի դրել իր ընդունած քրիստոնեական հավատքը, այլ ամբողջ պատմության ընթացքում, ամենաոժիվարին պահերին իսկ, իր զավակներին առաջնորդել է միայն դեպի քրիստոնեական ճշմարտությանը: Այդ պայքարի ընթացքում նա մնացել է իր քարձրության վրա, քանի որ հանդիսացել է պաշտպանը Ավետարանի լուսավոր մտքերի և քարոչական սկզբունքների և, զինված այդ գիտությամբ, համարձակ հարաբերություններ է մշակել մյուս եկեղեցիների հետ, առաջնորդող ուղի ունենալով նաև սուրբ հայրերի գրվածքները:

Արևելքի ամենահին եկեղեցիներից մեկի, հայ եկեղեցու նույնիսկ միայն նեստորականության դեմ նրա մղած պայքարի պատմության փաստերի հետ ծանոթացումը բավական է, հասկանալու համար, թե նա ինչպիսի մեծ ծառայություն է մատուցել, որպեսզի հաղթանակի քրիստոնեական ուղղափառ դավանանքը, և որպեսզի հավա-

տացյալները ճիշտ ուղիով քայլեն և չընկ-
նեն մոլորությունների խորխորատը:

Նեստորականության դեմ պայքարելով, հայ եկեղեցին իր դեմ էր հանում ամբողջ Արևելքը, մասնավորապես ասորիների այն հատվածը, որը դեռ վաղ դարերից ապրում էր Միջագետքում, Ասորիքում, Պարսկա-
կան կայսրության մեջ և այլ երկրներում: Ասորիները հրեաների հետ միասին զբաղ-
վում էին արհեստներով, առևտրով, հատ-
կապես միջազգային առևտրով: Նրանք
քարավանների հետ միասին ճանապար-
հորդում էին հեռու երկրներ և շփվում այդ
ժողովուրդների հետ: Արևելքի խոշոր քա-
ղաքներում՝ Անտիոքում, Եդեսիայում, Ալեք-
սանդրիայում, Սրբելայում, ինչպես նաև
Հայաստանում ապրում էին բազում հրեա-
ներ¹: Գործք Առաքելոցից, հայկական և
ասորական վաղ շրջանի աղբյուրներից ի-
մանում ենք, որ քրիստոնյա առաջին քա-
րոզիչները Հրեաստանից դուրս գալուց հե-
տո քարոզչական աշխատանքներ են ծա-
վել առաջին հերթին հրեական շրջա-
նակներում: Ասորիների, հայերի, հրեանե-
րի, Արևելքի մյուս ժողովուրդների միջև ե-
ղած շփումներն ու փոխհարաբերություննե-
րը օգնել են, որ հեթանոս այդ երկրները
ընդունեն քրիստոնեություն:

Քրիստոնյա այս առաջին քարոզիչների
մասին շատ արժեքավոր ու հետաքրքրա-
կան մանրամասնություններ է հաղորդում
մ. թ. առաջին դարի պատմիչներից Հովսե-
պոս Փլավիոսը, որը պատմում է, թե ինչ-
պես Ա դարի կեսին Գալիլիայից եկած Ա-
նանիա և Եղիազար քարոզիչները Ադիա-
բենում² և Խարակս Սպասիմիում տարածել
են քրիստոնեական վարդապետությունը³:
Ժիշտ է, Հովսեպոս Փլավիոսը այդ քարո-
զիչներին քրիստոնյա անունը չի տալիս,

բայց մեզ հայտնի է, որ քրիստոնյա անվա-
նումը շատ ավելի ուշ է եղել: Նա գրում է,
թե ինչպես այդ քարոզիչներից մեկը, Ա-
նանիան, Խարակս Սպասիմիում, Ադիաբե-
նի Մոնոբազոս թագավորի որդուն՝ Իզա-
տեսին, հավատափոխ է անում: Երբ որ Ի-
զատեսը հայրենիք է վերադառնում, Ադիա-
բենի մայրաքաղաք Արբելա, տեսնում է,
որ իր մայրը՝ Հեղինեն, ևս քրիստոնեական
նոր կրոնն էր ընդունել, մի այլ գալիլիացի
քարոզիչ Եղիազարի միջոցով⁴:

Համենայն դեպս հայկական և ասորա-
կան աղբյուրներն ու ավանդությունները
վկայում են, որ Հոգեգալուստից հետո Հա-
յաստան, Եդեսիա և Արևելքի մյուս երկր-
ներն է գալիս Թադեոս առաքյալը⁵, քարո-
զում և ի վերջո նահատակվում է Հայաս-
տանի թագավոր Սանատրուկի կողմից:

Նրանից հետո Հայաստան է գալիս, ինչ-
պես հայ և օտար աղբյուրներն են հաստա-
տում, նաև Բարթողիմեոս առաքյալը⁶: Այս
առաքյալների և նրանց աշակերտների
անձնավոր գործունեության շնորհիվ Արևել-
քի բազում քաղաքներում կազմավորվում
են քրիստոնեական առաջին համայնքնե-
րը⁷: Հայ և ասորի պատմիչները՝ Ագաթան-
գեղոսը, Փավստոս Բյուզանդը, Մովսես
Խորենացին, Մշիլա Զեխան, Միքայել Ա-
սորին, Բար Էբրայոսը մեզ տեղեկություն-
ներ են թողել քրիստոնեական այդ հա-
մայնքների վերաբերյալ:

6-րդ դարի ասորի պատմիչ Մշիլա Զե-
խան, որը օգտվել է 2-րդ դարի ասորա-
կան աղբյուր՝ Աբելի Աշխատությունից⁸,
գրում է, որ երբ Սասանյան Արտաշիր թա-
գավորը տապալեց Պարթևների իշխանու-
թյունը 224-ին և իր ձեռքը վերցրեց երկրի
ղեկը, այդ ժամանակ պարսկական տիրա-

¹ W. Cureton. Ancient Syriac Documents, Amsterdam, P. 34 «Մենեդո», ԺԱ. 31. «Էղեկիկէ» ԻԷ, 23: F. Josephus, The Antiquities of the Jews Book XX chpt. II, 1, p. 483: «Մովսիսի և Եղիսիմոսի Պատմութիւն հայոց» գիրք Բ, գլ 16 Դեբուրեա եղեսացի, Թուրք Աբգարու, Նրուսաղև, 1868, էջ 35: A. Christensen, L'Iran sous les Sassanides. Copenhagen, 1944, p. 38.

² Ադիաբենը գտնվում էր այժմյան Իրաքի սահ-
մաններում, երկու գետերի՝ Մեծ և Փոքր Զաբերի
միջև ընկած տարածքում: Եղել է փոքր թագավո-
րություն: 216 թ. Կարակալլա կայսրը վերացնում է
այն և դարձնում հռոմեական նահանգ: Սակայն Սա-
սանյան Արտաշիր Ա արքան վերագրվում է և
այնտեղ նշանակում իր կառավարչին:

³ F. Josephus, The Antiquities of Jews, Book XX, chpt. II, pp. 482, 483.

⁴ F. Josephus, The Antiquities of Jews, Book XX, chpt. II, pp. 482, 483. W. Cureton Ancient Syriac Documents. Դեբուրեա եղեսացի: Թուրք Աբգարու, էջ 46: «Մովսիսի և Եղիսիմոսի պատմութիւն հայոց» գիրք Բ, գլ. 19, էջ 161: G. Phillips, The doctrine of Addai, Cambridge, 1868. Սոփեր Հայկակոնք, Ը. Վեներիկ, 1853, էջ 77:

⁵ Հ. Մելքոնյան, Ասորական աղբյուրները հայ և կեղեցու մասին: «Էջմիածին», 1978, № Է, ԺԱ, ԺԲ, էջ 49:

⁶ Հ. Մելքոնյան, Ասորական աղբյուրները հայ եկեղեցու մասին, էջ 55:

⁷ «Ագաթանգեղոսի պատմութիւն հայոց» Տիդիս. 1809: Հ. Մելքոնյան, Ասորական աղբյուրները, էջ 68: Հայ եկեղեցու մասին 50:

Michel le Syrien, Chronique ed. J. B. Chabot, Paris, 1963, I, p. 149.

⁸ Հ. Մելքոնյան, Ասորական աղբյուրներ, Երևան, 1976, էջ 83:

պետության մեջ արդեն գոյություն ունեին քսանից ավելի եպիսկոպոսական Աթոռներ և ի հաստատություն իր ասածի մեկ առ մեկ թվարկում է այդ եպիսկոպոսական Աթոռ ունեցող քաղաքների անունները:

Ասորական աղբյուրներում վկայություններ կան նաև հայկական շրջաններում ու քաղաքներում հիմնված քրիստոնեական համայնքների ու եկեղեցիների ստեղծման մասին⁹:

Մեզ հասած վաղ շրջանի ասորական վարքերից Թադեոս առաքյալի աշակերտներից Մար-Մարիի վարքում գրված է¹⁰, թե ինչպես Մար-Մարին եկել է Հայաստան և Հայաստանի տարբեր շրջաններում հիմնել մոր եկեղեցիներ¹¹:

Այս վկայությունները խոսում են այն մասին, թե ինչպես արևելյան այս երկրներում (Հայաստան, Պարսկաստան, Միջագետք, Ասորիք) քրիստոնեությունը կայուն հիմք էր դրել և ուներ իր կազմակերպված համայնքները, եպիսկոպոսական թեմերն ու եկեղեցիները:

4-րդ դարի սկզբին, հետևաբար, Հայաստանում ևս հող նախապատրաստվեց և ապստեղ էլ քրիստոնեությունը պետական կրոն հռչակվեց:

Քրիստոնեության պետական կրոն հռչակվելուց հետո ս. Գր. Լուսավորիչ հայրապետը շարունակում է Թադեոս ու Բարթողիմեոս առաքյալների Հայաստանում ծավալած գործը և ինքը իր հերթին քարոզչական աշխատություններ է տանում Հայաստանում և հարևան երկրներում: Նա մոր կրոնի արմատները ժողովրդի հոգում խորը տպավորելու նպատակով գրում է նաև ջատագովական աշխատություններ¹²:

Դրան հաջորդող ծանր տարիները ստիպեցին հայ եկեղեցու հայրերին համապատասխան միջոցառումների դիմել, բացել դպրոցներ և պատրաստել մի խումբ եկեղեցական գործիչներ, որոնք և հիմքը դրեցին հայ գրի ու քրիստոնեական գրականության, հայ եկեղեցին պաշտպանելու ներքին ու արտաքին թշնամիներից: Նոր այս գործիչները, հակառակ եղած դժվարություններին, ճանապարհորդում էին ժամա-

նակի գիտության հայտնի կենտրոններ՝ Եդեսիա, Անտիոք, Ալեքսանդրիա, Կ. Պոլիս և նույնիսկ Աթենք, կատարելագործելու իրենց ուսումը և վերադառնում էին լցված քրիստոնեական դավանաբանական գիտելիքներով և այդ ամբողջը նվիրաբերում հոգուտ իրենց և հարևան այն հեթանոս ժողովուրդներին, որոնց դեռ չէր հասել քրիստոնեության լույսը¹³: Այդ գիտելիքներն էլ նրանց զինում էին, պայքարելու համար ընդդեմ աղանդավորական ու հերետիկոսական այն շարժումներին, որոնք երբեմն բռնկվում էին և անհասկառացնում ու հուզում ընդհանուր եկեղեցու հայրապետներին:

Հայ եկեղեցու գործիչների անձնվեր այդ գործունեության շնորհիվ նաև, ինչպես վկայում է 5-րդ դարի պատմիչներից Սոզոմենը, քրիստոնեությունը տարածվում է Արևելքի բազում ժողովուրդների մեջ: Նա գրում է.

«Սրանից հետո սահմանամերձ ժողովուրդներին անցավ (քրիստոնեական) վարդապետությունը և ծավալվեց: Ես նախապես ասել էի, թե ինչպես հայերը քրիստոնեությունը ընդունեցին, և պատմում են, թե ինչպես այդ ժողովրդի թագավոր Տրդատը իր ընտանիքի հետ կապված մի հրաշքի ազդեցության ներքո քրիստոնյա դարձավ և բոլոր իր հպատակներին հրամայեց պաշտել այդ հավատը: Դրանից հետո այդ վարդապետությունը անցավ հարևան ժողովուրդներին (Հայաստանից) և շատ ծավալվեց: Այժմ ես կսկսեմ պատմել, թե ինչպես պարսիկները քրիստոնեություն ընդունեցին, որոնք խառնվելով-շփվելով օտրոյեցիների ու հայերի հետ, ինչպես բնական է, աչյտեղ եղած սուրբ հայրերի հետ զրուցեցին ու նրանց առաքինության մասնակից դարձան»¹⁴:

Սոզոմենի այս վկայությունը ցույց է տալիս, որ հայ եկեղեցին առաջին իսկ օրից հավատարիմ է մնացել Քրիստոսի պատգամին. «Գնացեք, այտուհետև, աշակերտեցեք զամենայն հեթանոսս»¹⁵: Քարոզելով ս. Գիրքը, նա հետևել է աստվածաբանական առնչվածությանը ըմբռնումներին, որոնք հիմնված էին Ավետարանի, երեք Տիեզե-

⁹ Զ. Մելքոնյան, Ասորական աղբյուրներ, էջ 83: W. Cureton, Ancient Syriac Documents, p. 109. Bedjan, Acta martyrum et sanctorum Parisiis, 1890, t. I, p. 59.

¹⁰ Նույն տեղում, էջ 53, 59:

¹¹ Bedjan, Acta martyrum et sanctorum, t. I pp. 53, 59.

¹² Գրիգոր Լուսավորչի «Յանախապատում ճառք», Էջմիածին, 1894:

¹³ «Ղազարայ Փարպեցույ Պատմութիւն հայոց», Տիֆլիս 1904, էջ 13: Նորին, Պատմութիւն Վարուդ և մահուան Սրբոյն Մարութայ Վարդապետի, Վենետիկ 1894: Н. Марр, Крещение армян, Грузин, абхазов, и алапов Святых Григорием, СПб., 1905.

¹⁴ Sozomene, Histoire ecclesiastique, ed. Migne Pat. Graec., t. LXVII, col. 956.

¹⁵ Ավետարան ըստ Մատթեոսի, գլ. ԻԸ, 19:

րական ժողովների սկզբունքների ու սուրբ հայրերի ուղղափառ մեկնությունների վրա:

Հայ եկեղեցին պաշարելով աղանդավորների, հերետիկոսների վտանգավոր ուսմունքների դեմ, հիմքը դրեց դավանաբանական ինքնուրույն գրականության, որպեսզի հնարավորություն ունենար ըստ ամենայնի ու հիմնավոր ձևով իր հավատացյալներին հեռու պահելու դավանական մոլորություններից: Այդ գործին նվիրվեցին սուրբ Սահակ Պարթև հայրապետը, սուրբ Մեսրոպ Մաշտոցը և վերջինիս աշակերտները (Կորյուն, Եզնիկ Կողբացի, Եղիշե, Մովսես Խորենացի վարդապետները և ուրիշներ): Նրանք երկարատև ու տքնաջան աշխատանքների շնորհիվ առաջին անգամ Աստվածաշունչը թարգմանեցին հայերենի: Թարգմանվեցին նաև քրիստոնեական եկեղեցու մեծ հայրապետների գրվածքներն ու մեկնությունները¹⁶: Հայ եկեղեցին պաշարում էր մի կողմից պարսկական կրոնի՝ զրադաշտականության վտանգի առաջն առնելու¹⁷ և մյուս կողմից՝ ճեստորականության դեմ, որը Եփեսոսի (431 թ.) ժողովից հետո փորձում էր բռնի ուժով թափանցել Հայաստան:

Հայ եկեղեցին հավատարիմ Եփեսոսի ժողովի որոշումներին իր կարելին արեց, որպեսզի դիմադրի ճեստորականների ուղղման ժողովներին:

Նեստորականները հալածվելով Բյուզանդական կայսրության սահմաններից, փախել, եկել ու ապաստան էին գտել Պարսկաստանում: Պարսիկները, որոնք 340 թ. սկսյալ անընդմեջ հալածում էին իրենց տերության մեջ ապրող քրիստոնյաներին, օրպես Բյուզանդական կայսրության համակիր տարրերի ու լրտեսների¹⁸, 4-րդ դարի վերջին տասնամյակներից, հատկապես 5-րդ դարի սկզբներից քրիստոնյաների նկատմամբ իրենց քաղաքականության մեջ փոփոխություն են մտցնում, նկատի ունենալով, որ ճեստորականները իրենց հակաբյուզանդական տրամադրություններով ու Բյուզանդական կայսրության հանդեպ ունեցած ատելությամբ օգտակար կարող են լինել պարսկական տիրապետության շահերին: Նեստորականներն էլ Եփեսոսի ժողովից հետո ամբողջությամբ կապվեցին

պարսիկների հետ և նրանց օգնությամբ փորձեցին Արևելքի մյուս եկեղեցիներն, ինչպես նաև հայ եկեղեցուն վերցնել իրենց ազդեցության ներքո:

Հայ եկեղեցու հայրերը ուժեղ դիմադրություն ցույց տվեցին և կարողացան Հայաստանը գերծ պահել ճեստորականների ներթափանցումից:

Հայ եկեղեցին մեծ դեր է կատարում այդ պաշարում և այդ հանգամանքը նկատի ունենալով, այդ ժամանակվա Կ. Պոլսի պատրիարք Պրոկլը նամակ է գրում հայերին, որպեսզի վերջինները շարունակեն ամուր մնալ իրենց դիրքերի վրա:

Թեոդոս Բ. կայսրի (408—450 թթ.) մտերիմ բարեկամ Պրոկլ պատրիարքը նախաձեռնում էր հարգված եկեղեցական խոշոր գործիչ էր, որը երիտասարդ հասակում աշակերտել էր Հովհան Ոսկեբերան (344—407 թթ.) հայրապետին: Պրոկլ պատրիարքը խիստ հակառակորդ լինելով ճեստորականության, իր անձը նվիրել էր այդ աղանդավորական ուսմունքի դեմ ծավալված պաշարին և այդ գործի հաջողության համար դիմել էր հայերին ու գրել իր նամակը, որի հայերեն օրինակը պահպանվել է հայ եկեղեցու դավանաբանական գրականության վաղ շրջանի հավաքածուներից մեկի՝ «Գիրք Թղթոց»-ի մեջ¹⁹, իսկ այդ նամակի ասորերեն տարբերակը մեզ է հասել 6-րդ դարի ասորի եկեղեցական գործիչներից Ջաքարիա Հոնետորի «Ժամանակագրության» միջոցով²⁰:

Ջաքարիա Հոնետորը մատենագրության մեջ հայտնի է նաև Ջաքարիա Միտիլենացի²¹ անունով և նա այդպես է կոչվել, որովհետև իր կյանքի վերջին տարիներին եղել է այդ քաղաքի եպիսկոպոսը: Ջաքարիան ծնվել է Գազա քաղաքից ոչ հեռու Մայումե նավահանգիստ-գյուղում: Սովորել է նախ Ալեքսանդրիայում, ապա Բելրոսի իրավաբանական դպրոցում, որը այն ժամանակ առանձին հռչակ ուներ: Ջենոն կայսեր (477—491 թթ.) օրոք տեղափոխվում է Կոստանդնուպոլիս: Մեզ հայտնի է նաև այն, որ 536 թ. որպես Միտիլենի եպիսկոպոս մասնակցել է մայրաքաղաքում ռումարված եպիսկոպոսական ժողովին: Համեմայն դեպս ճանաչված եկեղեցական շրջիչ էր և որպես արքունիքի մոտ կանգնած անձնավորություն մասնակցել է ժա-

¹⁶ Հ. Գ. Ջարրհանալեան, Մատենադարան հայկական թարգմանության նախնեաց (Դ. ԺԳ), Վիեննի, 1889:

¹⁷ Езник Кохбацц, Книга опровержений (о Добре и Зле), перв. В. Чалоян, Ереван, 1968.

¹⁸ Bedjan Acta martyrum et sanctorum, t. II p. 248, Հ. Միլենյան, Ասորական աղբյուրներ, էջ 98:

¹⁹ «Գիրք Թղթոց», Թիֆլիս, 1901, էջ 1:

²⁰ Hamilton, Brooks, The Syriac Chronicle known as that of Zachariah of Mitylene, London, 1899. Book II, chpt. V, p. 24.

²¹ Միտիլենը Հին Հունաստանի գլխավոր քաղաքներից էր և մասն էր Էլին միության:

մանակի հրատապ հարցերի քննարկման ու եկեղեցական վեճերին: «Ժամանակագրություն»-ից բացի նրանից մեզ հասել են «Բանախոսություն» և մանիքեականների դեմ գրած նրա «Հակաճառություն»-ը և բազում այլ երկեր²²: Բայց ամենաարժեքավորը «Ժամանակագրություն» է, որը սկսում է 451 թ. դեպքերի նկարագրությամբ, ավարտում Զենոն կայսեր մահով: Դժբախտաբար հունարեն բնագիրը մեզ չի հասել և ասորի մի Անանուն հեղինակ իր պատմական երկը շարադրելիս ոչ միայն օգտվել է Զաքարիայի հունարեն բնագրից, այլև բազում գլուխներ ասորերեն թարգմանելով ամբողջությամբ մտցրել է իր երկի մեջ: Ասորի այս հեղինակի շնորհիվ էլ փրկվել են Զաքարիայի աշխատության որոշ հատվածներ: Ասորական այդ պատմական երկը բաղկացած է 12 բաժիններից: Բ բաժնի 5-րդ գլխում պահպանված է Կոստանդնուպոլսի Պրոկղ պատրիարքի նամակը: Նամակի ասորերեն բնագրի առկայությունը այս «Ժամանակագրության» մեջ գալիս է հաստատելու հայկական օրինակի վավերականությունը: Այս նամակը նաև մի վկայություն է այն մասին, որ հայ եկեղեցին արդեն 5-րդ դարում լայն կապերի մեջ էր գտնվում ընդհանուր եկեղեցու կարևոր կենտրոնների հետ:

²² M. A. Kugener, La compilation historique pe pseudo Zacharie le Rhe'teur. „Revue de l'Orient chre'tien“, Paris, 1900.

Հայ եկեղեցու գործունեության փայլուն էջերից է այդ պապարի պատմությունը, որը նա տարավ 5-րդ դարում ընդդեմ նեստորականության և նաև ընդդեմ Պարսկական կայսրության, որը 451 թ. բռնի միջոցներով ու պատերազմական գործողություններով ուզում էր հայ ժողովրդին կտրել քրիստոնեական ուսմունքից ու նրան նորից կապել հեթանոսության: 451 թ.²³ և ապա, ինչպես Զ դարի Հովհան Եփեսացի պատմիչն է նկարագրում 571 թ.²⁴, դրանից հետո դարեր շարունակ ամբողջ հայ ժողովուրդը ոտքի է կանգնել և արյան գնով պաշտպանել է Քրիստոսի Ավետարանի շնորհիվ քարոզված «լույսը»:

Նեստորականության դեմ մղվող պապարի պատմությունը աննշան մասնիկն է այն տանջալից ու չարչարանքներով լի ճանապարհի, որը և դարձավ հայ ժողովրդի ու եկեղեցու հանուն քրիստոնեության հաղթանակի դարեր շարունակ մղած պապարի փայլուն էջերից մեկը:

«Էջմիածին» ամսագրի հաջորդ համարներից մեկում կներկայացնենք Պրոկղ պատրիարքի Հայոց Սահակ Պարթև հայրապետին գրած պատմական ու կարևոր նամակի թարգմանությունը:

²³ «Եղիշէի վասն վարդապայ և հայոց պատերազմին», Երևան, 1957:

²⁴ Հ. Մկրտչյան, Ասորական աղբյուրներ, էջ 387—393:

